



Sarajevo, 28. 2. 2023. godine

MEDIJIMA

SAOPĆENJE ZA MEDIJE
Održan šesti sastanak Pododbora za unutrašnje tržište i konkurenciju

Šesti sastanak Pododbora za unutrašnje tržište i konkurenciju uključujući zaštitu zdravlja i potrošača između Evropske unije i Bosne i Hercegovine održan je 28. februara 2023. godine, putem video-konferencije. Sastankom je u ime Bosne i Hercegovine kopredsjedavala Brankica Pandurević, pomoćnica ministra u Ministarstvu vanjske trgovine i ekonomskih odnosa BiH, a u ime Evropske komisije Mary Teresa Moran iz Opće uprave za politiku proširenja i pregovore o pristupanju (DG NEAR).

Na sastanku su između ostalog razmijenjene informacije o radu Konkurencijskog vijeća BiH, pripremi novog zakona o konkurenciji u skladu s propisima EU, izmjenama Zakona o državnoj pomoći i jačanju operativnih kapaciteta Vijeća za državnu pomoć.

Predstavnici Komisije su pozdravili usvajanje izmjena i dopuna Zakona o javnim nabavkama i pozvali bh. vlasti da pripreme novi zakon o javnim nabavkama koji će biti dodatno usklađen sa zakonodavstvom EU. Potrebno je izraditi strategiju javnih nabavki 2023-2027, kadrovski osnažiti Agenciju za javne nabavke i Kancelariju za razmatranje žalbi te nastaviti usklađivanje pravnog okvira BiH s odgovarajućim direktivama EU u oblastima koncesija i javno privatnog partnerstva.

Preporuka Evropske komisije je da se do kraja 2023. godine usvoji jedinstven horizontalan zakon koji će biti usklađen s EU Direktivom o uslugama, napravi sveobuhvatan popis svih administrativnih i tehničkih koraka za registraciju domaćih i stranih preduzeća u cijeloj zemlji i intenziviraju naponi na harmonizaciji propisa u oblasti uzajamnog priznavanja profesionalnih kvalifikacija.

Usvajanje novog zakona o poštanskim uslugama, seta zakona koji reguliraju zaštitu autorskih i srodnih prava i kvalitetan nadzor nad bankarskim sektorom u cilju osiguranja finansijske stabilnosti te bolja koordinacija između Centralne banke BiH i entitetskih agencija za bankarstvo, ostaju među prioritetima. Komisija očekuje i da će usklađivanje prava privrednih društava na nivou države biti nastavljeno u narednom periodu.

Na sastanku se razgovaralo i o zaštiti zdravlja, održivom finansiranju u oblasti javnog zdravlja i reformi zdravstvene zaštite, te harmonizaciji propisa o kontroli duhana i zabrani pušenja na javnim mjestima, kao i o zaštiti potrošača.

Direkcija za evropske integracije